

CEDES a celebra nan di 6 exposicion na Biblioteca Nacional



ORANJESTAD (AAN): Recientemente CEDES (Centro di Educacion Especial) a celebra nan di 6 exposicion di arte di muchanan cu autismo y Down Syndrome, cu tambe ta atende nan programa di homeschooling y arte.

Directora di CEDES, Sra. Martha Vallejo, a splica riba proyecto di arte, na unda muchanan ta expresa nan mes cu uso di color y nan imaginacion. Muchanan cu a participa a duna un bunita presentacion den presencia di Prome Minister Evelyn Wever-Croes, Minister di Asuntunan Social y Labor, Sr. Glenbert Croes, y parlamentarionan Sue Ann Ras, Setty **Cristiaans-Yarzagaray**, **Hendrik Tevreden** y **Shailiny Tromp-Lee**.

Sra. Vallejo a bisa cu pintamento ta un proceso pa nan siña y disfruta, como tambe laga nan imaginacion luci den nan obranan.

Varios mucha a participa den e exposicion, na unda nan a pinta por lo menos cuatro obra. E obranan aki ta na benta y e placa ta pa e muchanan mes. Mayor y invitadonan a keda hopi contento di por wak sonrisa grandi di e artistanan exhibiendo nan obranan.

